



Mu by'ukuri Allah yanditse ibyiza n'ibibi, nyuma arangije arabisobanura

Hadith yaturutse kwa Ibun Abas (Imana imwishimire we na se) nawe ayikuye ku Ntumwa y'Imana (Imana iyihe amahoro n'imigisha) mu mvugo yakuye kwa Nyagasani wayo Nyir'ubutagatifu yaravuze ati: "Mu by'ukuri Allah yanditse ibyiza n'ibibi, nyuma arangije arabisobanura uzagambirira gukora icyiza ntagikore, Allah amwandikira icyiza mu buryo bwuzuye, n'iyi agambiriye icyo cyiza akagikora, Allah amwandikira ibyiza icumi kugera ku nshuro magana arindwi cyangwa izirenzeho; n'iyi agambiriye gukora ikibi ntagikore, Allah amwandikira icyiza kimwe mu buryo bwuzuye, yakigambirira akagikora Allah amwandikira ikibi kimwe."

[رواه البخاري ومسلم في صحيحهما بهذه الحروف] [Hadithi y'impamo]

Intumwa y'Imana (Imana iyihe amahoro n'imigisha) iragaragaza ko Allah yamaze kugena ibyiza ndetse n'ibibi, arangije yereka abamalayika babiri abishinze uko bazajya babyandika: Uzajya agambirira gukora igikorwa cyiza ko bazajya bamwandikira icyo gikorwa cyiza kimwe kabone n'iyi atagikora. Ariko iyi agikoze agikubirwamo ingororano nyinshi zishobora kugera kuri magana arindwi ndetse zikarengaho, bitewe n'umutima yagikoranye no kucyegurira kwe Allah no kuba gifitiye umumaro n'abandi n'ibindi. N'ugambiriye gukora igikorwa kibi, hanyuma akareka kugikora kubera Allah yandikirwa icyiza; n'iyi akiretse kubera kukiburira umwanya nta nakore impamvu zikimugezaho ntacyo yandikirwa, n'iyi kandi akiretse kubera ko atagishoboye, yandikirwa uwo mugambi we, kandi n'iyi ashoboye kugikora yandikirwa ikibi kimwe gusa.

<https://www.sunnah.global/hadeeth/rw/show/66533>

